

## DE BRICHEMER.

I

Rimer m'estuet de BricheMER

Qui jue de moi a la briche.

Endroit de moi jel doi amer,

4 Je nel truis a<sup>1</sup> eschars ne chiche ;

N'a si large jusqu'outre mer,

Quar de promesse m'a fet riche :

Du forment qu'il fera semer

8 Me fera ancouan flamiche.

II

BricheMER est de bel afere,

N'est pas uns hom plains de desroi :

Cortois et douz et debonere

12 Le trueve on, et de bel aroi ;

Més n'en puis fors promesse atrere,

Ne je n'i voi autre conroi :

Autele atente m'estuet fere<sup>2</sup>

16 Com li Breton font de lor roi<sup>3</sup>.

III

Ha ! BricheMER, biaux tres douz sire,

Paié m'avez cortoisement,

Quar vostre borse n'en empire,

20 Ce voit chascuns apertement ;

Més une chose vous vueil dire

Qui n'est pas de grant coustement ;

Ma promesse<sup>4</sup> fetes escrire,

24 Si soit en vostre testament.

*Explicit de BricheMER.*

*Manuscripts* : A, fol. 315 v<sup>o</sup> ; B, fol. 73 r<sup>o</sup> ; C, fol. 83 r<sup>o</sup>.

*Texte et graphie de A.*

---

<sup>1</sup> Pour *truis a*, cf. dans le T.-L., I, 17, 22 ss., les exemples de cette construction pour les verbes indiquant une idée de connaissance.

<sup>2</sup> 15-16. C'est le *conroi*, l'« accommodement », annoncé au vers 14.

<sup>3</sup> Allusion à la croyance des Bretons qu'Arthur reviendrait un jour parmi eux. Les Français avaient fait de cette espérance un sujet de risée, et en parlaient métaphoriquement à propos de choses qui n'arriveraient jamais.

<sup>4</sup> *Ma promesse*, « la promesse que vous m'avez faite ».

*Titre* : C C'est de Briche-meir — 2 B Qui de moi joe, C Qui de moi se joie — 4 B Je ne le tr.  
eschars, C nou t. a e. n'a c. — 5 B juques — 6 B Qui ; C promesses — 7 B De f. que f., C Au f.  
— 9 C Briche-mers — 10 B plain — 11 BC Douz et cortois — 12 BC de grant a. — 13 BC Je n'en  
p. f. p. trere (C traire) — 14 BC Je n'i voi mais a. — 15 C Auteil — 17 BC biau — 19 BC Que —  
21 BC .I. po (C pou) de c. — 23 A fete, BC faites — B Explicit de Briche-mer, C Explicit.